

# TSAMBA YOKUTADGA YAMOSI INODAIKZWA KUTI GENISISI

**1** Pakutanğa Mjari wakasika denğa nenyika. **2** Nenyika inğa isina muemo, isina ciro; necidima caia padera pehope yemvura: no-Mjeya waMjari wakavamira padera pehope yemvura. **3** Mjari wakati, Dgakuapo kujeka: nokujeke kwakaapo. **4** NaMjari wakaona kuti kujeka inğa kwakanaka: naMjari wakaparadzanisa kujeka kubva mucidima. **5** Mjari wakađudza kujeka kuti, Masikati, naye wakađudza cidima kuti, Usiku. Kwakaapo madeikoni nemanğwanani zakaita zuva rokutanğa.

**6** Mjari wakati, Dgakuapo mukana pakati pemvura, nğauparadzanise mvura nemvura. **7** NaMjari wakaita mukana, akaparadzanisa mvura yaia pashi pomukana kubva kune mvura iyo yaia padera pomukana: zakaitika kudaro. **8** NaMjari wakađudza mukana kuti, Denğa. Kwakaapo madeikoni nemanğwanani zakaita zuva reciiri.

**9** Mjari wakati, Mvura iri pashi pedenğa nğaiunğanidzwe kundau imje, nenyika yakaoma nğaoneke: zakaitika kudaro. **10** NaMjari wakađudza mavu akaoma kuti, Inyika; nokuunğanidzwa kwemvura, wakađudza kuti, Ruandhle: naMjari wakaona kuti inğa zakanaka. **11** Mjari wakati, Nyika nğaimere mjenje, nemiriwo inobereka mbeu, nemiti yemicero inobereka micero, kuteererana nğembeu dzayo, iyo tsanğu dzayo dziri mukati mjayo, padera pe-

nyika: zakaitika kudaro. **12** Nenyika yakamera mjenje, nemiriwo inobereka mbeu nğokuteererana nğembeu dzayo, nemiti inobereka micero, tsanğu dzayo dziri mukati mjayo, kuteererana nğembeu dzayo: naMjari wakaona kuti inğa zakanaka. **13** Kwakaapo madeikoni nemanğwanani zakaita zuva recitatu.

**14** Mjari wakati, Dgakuapo zijekiso mumukana wedenğa, kuti ziparadzanise masikati nousiku; nğaziite zioniso, zenğuva, nezemazuva, nezemakore: **15** Ze, nğaziite zokujekisa mumukana wedenğa kuti zijekise padera penyika: zakaitika kudaro. **16** NaMjari wakaita zijekiso ziiri zakakura; cijekiso cikuru cinotonga masikati, necijekiso cakatsonga cinotonga usiku: wakaitaze nyeredzi. **17** Mjari wakađilisa mumukana wedenğa, kuti zijekise padera penyika. **18** Ze, kuti zitonge padera pemasikati nousiku, kuti ziparadzanise kujeka kubva kune cidima: naMjari wakaona kuti inğa zakanaka. **19** Kwakaapo madeikoni nemanğwanani zakaita zuva reci-ronğomuna.

**20** NaMjari wakati, Mvura nğaiđudise nğokuwanzisa zisikwa zinohamba zinopona, neshiri nğadzibururuke padera penyika mukana womudenğa. **21** NaMjari wakasika minyame mikuru, nezisikwa zeshe zinopona zinohamba, izo zakabudiswa nğemvura nğokuwanzwa, nğokuteererana

kwembeu dzazo; nembeu dzeshe dzeshiri dzine mapapiro ngokuteererana kwembeu dzadzo: naMḡari wakaona kuti kwaingga kwana. 22 NaMḡari wakazidakadzisa, eciti, Berekanai muwande, muzarise mvura yomuruandhle, neshiri ngadziwanzwe munyika. 23 Kwakaapo madeikoni nema ngwanani zakaita zuva recishano. 24 NaMḡari wakati, Nyika ngai budise zisikwa zinopona ngokuteererana kwembeu dzazo, zifuyo, nezino gweza, nezikara zenyika ngokuteererana kwembeu dzazo: kwakaitika kudaro. 25 NaMḡari wakaita zikara zenyika ngokuteererana kwembeu dzazo, nezifuyo ngokuteererana kwembeu dzazo, nazo zeshe zintamanda padera pemavu ngokuteererana kwembeu dzazo: naMḡari wakaona kuti kwaingga kwakanaka. 26 NaMḡari wakati, Dgatilite munhu ngomuedzaniso wedu, vatodzane nesu: ngavatonge padera pehove dzomuruandhle, nepadera peshiri dzomumḡeya, nepadera pezifuyo, nepadera penyika yeshe, nepadera peziro zeshe zino gweza munyika. 27 NaMḡari wakasika munhu ngomuedzaniso wake wemene, ngomuedzaniso waMḡari wakavasika; wakavasika vari mḡamuna nomukadzi. 28 Mḡari wakavafakadzisa; naMḡari wakati kwavari, Berekanai, muwanzwe, muzarise nyika, muinyise; mutonge padera pehove dzomuruandhle, nepadera peshiri dzomumḡeya, nepeziro zeshe zino ponana zino gweza padera penyika. 29 Mḡari wakati, Ndakamupa miriwo yeshe inobereka tsanggu, iri padera pehope yeshe yenyika, nemiti yeshe, iyo mukati mḡayo

mune micero ine mbeu inobereka miti; kwomuri inozoitakokudya: 30 Ndakahina miriwo yeshe yakashipirika kuita zokudya kune zikara zeshe zenyika, nokushiri dzeshe dzomumḡeya, nokuzi ro zeshe zino gweza padera penyika, izo zeshe zino ponana. Zakaitika kudaro. 31 NaMḡari wakaona zeshe zaaingga aita, penya, ingga zakanasa kunaka. Kwakaapo madeikoni nema ngwanani zakaita zuva recitanhatu.

**2** Denḡa nenyika zakapedzwa ngokudaro, nazo zeshe zou wandu hwazo. 2 Dḡezuva recinomḡe Mḡari wakapedza mushando wake waakaita; naye wakazorora nḡezuva recinomḡe kubva kumushando wake weshe waakaita. 3 Mḡari wakadakadzisa zuva recinomḡe akaricenesa: ngokuti nḡeiro zuva wakazorora kuno mushando wake weshe waakasika Mḡari nokuita.

4 Aya ndio maitirwe edenḡa nenyika, apo zakasikwa, nḡezuva raakasika Jehova Mḡari nyika nedengga. 5 Inḡa kusati kwatonggo apo necisimḡa ceshanḡo munyika, nomuriwo naumḡe wainḡa wamera: ngokuti Jehova Mḡari inḡa asati aita kuti mvura inaye padera penyika, painḡa pasina munhu wokuti arime mavu. 6 Asi mhute yakapxititika kubva panyika, ikanyakatisa padera pemavu eshe. 7 Na Jehova Mḡari wakarura munhu nḡebukuta remavu, akafemera mumiro mḡake femero rokupona; nomunhu wakaita mḡeya unopona. 8 NaJehova Mḡari wakasima munda ngokumabvazuva, kweEdeni; naye wakamuisa

apo munhuwo waakarura. 9 Nokubva mumavu Jehova Mŋari wakamerisa miti yeshe inodakadzisa madziso, neinodyiwa; ze nomuti wokupona wala pakati pomunda, nomuti wokuzia zakashata nezakanaka. 10 Norwizi rwakanyuka kubva mumunda weEdeni kudiridzira munda; nokubvomŋo rwakaparadzani swa kuita mhararano murongomuna. 11 Zina rorwizi rwokutanga runozwi Pishoni: ndirwo urwo runotendenedza nyika yeshe yeHavira, umŋo muno mukore; 12 Nomukore weiyo nyika uri wakanaka; kuripo bedori nemapuwe eberuri. 13 Nezina rorwizi rweciri runozwi Gihoni: urwo ndirwo runotendenedza nyika yeshe yeKushi. 14 Nezina rorwizi rwecitatu runozwi Tigrisi: ndirwo urwo runoerera ngemberi kweAsiria. Norwizi rwecirongomuna runozwi Ufrati. 15 Jehova Mŋari wakatora munhu, akamuksa mumunda weEdeni kuti aurime nokuŋgwarira. 16 NaJehova Mŋari wakapanga munhu, eciti, Uŋgadya kumuti weshe womumunda, kudai ngezounoda; 17 Asi usazodya kumuti wokuzia zakanaka nezakashata: ngokuti ngezuva rounozodya kwouri, ngegwinoyiso unozofa.

18 NaJehova Mŋari wakati, Akuzi kunaka kuti munhu agare ari ega; ndinozomuitira mudetseri. 19 Kubva kumavu Jehova Mŋari wakarura zikara zeshe zomushango, neshiri dzeshe dzomumŋeya, akaziunza kuno munhu kuona kuti unozodudza zina rokutinyi: nezina iro raakadudza munhu kuzisikwa zeshe zinopona, ndiro rakaa zina raco. 20 Nomu-

nhu wakadudza mazina ezifuyo zeshe, nokushiri dzomumŋeya, nokuzikara zomushango; asi kuno munhu akuzi kuoneka mudetseri. 21 NaJehova Mŋari wakaita kuti hope dzemadzikirira dzigumire munhu, naye wakaata; akatora rumŋe rwenhii dzake, akanamikidza nyama pandau yarwo: 22 Norunhii urwo rwaakatora Jehova Mŋari kubva kumŋamuna, wakaruita mukadzi, akamuunza kuno mŋamuna. 23 Nomŋamuna wakati, Zino uyu uri gofo remagodo angu, nyama yenyama yangu: unozodudza kuti, Mukadzi, ngokuti wakabviswa kuno mŋamuna. 24 Dgeiyi ndaa munhu unozosia fafa ake namai, unozomatira kumukadzi wake; naavo vairi vanozoita nyama imŋeyo. 25 Navo veshe vaia vari mititini, mŋamuna nomukadzi wake, avazi kutseruka.

**3** Zino nyoka yaipinda ngourimbgi kune zikara zimŋeni zomushango, zaakaita Jehova Mŋari. Nayo yakati kuno mukadzi, Dgegwinoyiso Mŋari wakarona here kuti musazodya kumuti nokuti ngouri womumunda? 2 Nomukadzi wakati kune nyoka, Tingadya kumicero yemiti yomumunda: 3 Asi kumicero yomuti uwo uri pakati pomunda, Mŋari wakati, Amuzoidyi, ze, amuzoigwami, kuti musazofa. 4 Nyoka yakati kuno mukadzi, Dgegwinoyiso amuzofi: 5 Dgokuti Mŋari unozia kuti ngezuva romunozoidya, madziso enyu anozopembenudza, nemŋi munozodai ndiMŋari, mŋecizia zakanaka nezakashata. 6 Naapo mukadzi wakaona kuti muti

unodyiwa nokuti waidakadzisa madziso, nokuti muti waia wecidikana kuti munhu angwariswe, wakatora micero yawo, wakaidya; akahinaze mngamuna wake, waia naye, nayewo wakadya. 7 Nema-dziso avo veshe akapembendzwa, vakazia kuti waia mititinini; vaka-sonera mashakani omuonde pa-mngapo, vakadziitira zokusimira. 8 Nayo vakazwa izwi raJehova Mjari ecihamba mumunda ngomukuwo wezuva ropipirira: nomunhu nomukadzi wake vakahwara pakati pemiti yomumunda, kubva mukuapo kwaJehova Mjari. 9 NaJehova Mjari wakaidza munhu, akati kwaari, Uri pari? 10 Naye wakati, Ndazwa izwi rako ndiri mumunda, neni ndatya, ngokuti ndaiŋga ndiri mutitinini; ndadzihwarisa. 11 Naye wakati, Ndiani wakuronzera kuti waiŋga uri mutitinini? Wadya here kumuti wendakakupanga ndiwo, kuti, Usazodya? 12 Nomunhu wakati, Mukadzi wowakahina kuti agare neni ndiye wandipa micero yomuti, neni ndaidya. 13 NaJehova Mjari wakati kuno mukadzi, Cinyini ici cowa? Nomukadzi wakati, Nyoka yandicenge-dzera, neni ndadya. 14 Jehova Mjari wakati kune nyoka, Dgokuti waita ici, unotukwa kupinda zifuyo zeshe, nokupinda zikara zeshe zomushango; unozogweza ngen-dani yako, newe unozodya bukuta mazuva eshe okupona kwako: 15 Neni ndinozoisa uga pakati pako nomukadzi, nepakati pemibarirwana yako nemibarirwana yake: mibarirwana yake inozoremadza soro rako, newe unozo-

remadza cisisinho cake. 16 Nokumukadzi wakati, Ndinozowanza kakurutu kurwadziwa kwako mukua noukoshu; mukurwadziwa unozobereka vana; nokudisisa kwako kunozoa kumngamuna wako, naye unozotonnga padera pako. 17 Nokuna Adamu wakati, Dgokuti wapurutana izwi romukadzi wako, ukadya kumuti wendakakupanga ndiwo, ndeciti, Usazodya: mavu atukwa ngendaa yako; unozodya zinobva kwaari ngokushanda mazuva eshe okupona kwako; 18 Ze, anozokumerisira minzwa nehwahwashu; newe unozodya miriwo yomushango; 19 Dgezia rehope yako unozodya kadya, kumetsa uhwirire kumavu; ngokuti wakabviswa kwaari; ngokuti uri bukuta, newe unozohwirira kuita bukuta. 20 Nomunhu wakadudza zina romukadzi wake kuti Eva; ngokuti iye wala mai waavo veshe vanopona. 21 NaJehova Mjari wakaitira Adamu nomukadzi wake mabaci ematoo, akavapfeka.

22 NaJehova Mjari wakati, Peny, munhu wadal ngoumje wedu, kuzia zakanaka nezakashata; nazino kuti asazotambandza nyara yake, atoreze kumicero yomuti wokupona, adye, apone mhera narini: 23 Ndiyo Jehova Mjari wakamufudisa kubva mumunda weEdeni, kuti arime mavu aakabviswemgo. 24 Ndiyo wakamudzina munhu, akaisa ngokumabvazuva kwomunda weEdeni Makerubi, neshoti inovaima yakaita cidzunggurukwakumarupande eshe, kungwarira njira yomuti wokupona.